



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Shkelzen Hoxha	21.09.2025	30.09.2025	2025/0924

BAZA LIGJORE E SHQYRTIMIT

Me datën: 18.09.2025, OE "Internat Security Association" SH.P.K.”- Prishtinë, ka parashtruar ankesë me nr: 2025/0924, kundër Njoftimit mbi Vendimin e Autoritetit Kontraktues ku është rekomanduar për kontratë OE “"Internat Security Association" SH.P.K., lidhur me aktivitetin e prokurimit: “Sherbimet e sigurimit fizik te objekteve te APRK-es” me nr. të prokurimit: "UA/2016-25-6709-2-1-1", iniciuar nga Autoriteti Kontraktues (AK) – Agjencia Qendrore e Prokurimit. Autoriteti kontraktues ka zbatuar procedurë të hapur, lloji i kontratës shërbim, vlera e parashikuar e kontratës: 190,000.00 €.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

ORGANIT SHQYRTUES TË PROKURIMIT

Në cilësi të përfaqësuesit të operatorit ekonomik International Security Association SH.P.K. (ISA Security), me adresë në Rr. Mustafa Kruja, nr. 3, Prishtine, Republika e Kosovës, në pajtim me Nenin 108/A par.7 lidhur me Nenin 109 të LPP-së, me datë 18.09.2025, brenda afatit ligjor paraqes:

ANKESË

Kundër:

Vendimit të autoritetit kontraktues Autoriteti Qendror i Prokurimit mbi refuzimin e Kërkesës për Rishqyrtim, për aktivitetin e prokurimit Shërbimet e sigurimit fizik, të objekteve të APRK-së, me numër të prokurimit UA/2016-25-6709-2-1-1, i cili vendim është publikuar në platformën e e-prokurimit me datë 10.09.2025.

Arsyetim

Pasqyra faktike dhe historiku i procedurës

1. Autoriteti Kontraktues Autoriteti Qendror i Prokurimit (*tutje referuar si AK*), me datë 24.07.2025 ka shpallur njoftimin për kontratë në lidhje me aktivitetin e prokurimit me titull: Shërbimet e sigurimit fizik, të objekteve të APRK-së, me numër të prokurimit UA/2016-25-6709-2-1-1.
2. Njoftimi për kontratë është bërë në platformën e prokurimit elektronik (*e-prokurimi*).
3. Operatori ekonomik International Security Association SH.P.K., përmes platformës së prokurimit elektronik ka shkarkuar dosjen e tenderit me numër dhe titull të specifikuar si më lartë (*tutje referuar si DT*).
4. Në dosje të tenderit në ANEKSI 1, AK ka kërkuar të respektohen dispozitat ligjore të ligjit të punës, punëtorët të lajmërohën në ATK, të paguhën kontributet penasionale dhe kërkesat tjera si dhe të respektohet Vendimi i Qeversisë së Republikës së Kosovës për pagën minimale.

Më këtë rast AK ka kërkuar respektimin e dispozitave të ligjit të punës, pasi që është evidente se Ligji nuk mund të respektohet parciaisht, por ç’do Operator Ekonomik e ka për obligim respektimin e dispozitave ligjore në tërësi.

- Provë: Dosja e tenderit, ANEKSI 1. Specifikimet Teknike të Detyrueshme

Me datë 08.08.2025, brenda afatit të përcaktuar sipas dispozitave ligjore të Ligjit të Prokurimit Publik, OE ka parashtruar pyetje drejtuar AK, të cilat i ka ngarkur në platformën e e-prokurimit, për të sqaruar kushtet e tenderit, ku OE ankues i ka parashtruar dy pyetje të cilat kanë të bëjnë me nivelin e pagës minimale dhe respektimin e Ligjit të Punës:

Pyetja 1: Kërkojmë që të na jepni përgjigjet lidhur me sqarimet e kërkuara në mënyrë që do të na ndihmoj në përgatitjen e ofertës sonë (çmimit përfundimtar).

Përgjigja e AK: Lidhur me pyetjen e parë, që paga nuk është kërkesë në dosjen e tenderit. Por kjo çështje është e rregulluar me ligjin e pagave dhe vendimin e Qeverisë për pagën minimale.

Ju informojmë se duhet respektuar të gjitha ligjet e aplikueshme në Republikën e Kosovës.

Pyetja 2: Gjatë implementimit të kontratës a duhet të respektohet Ligji Nr. 03/L-212 i Punës dhe Ligji Nr. 08/L-274 për Shërbimet Private të Sigurisë?

Përgjigja e AK: Ndërsa, sa i përket pyetjes së dytë, po, gjatë implementimit të kontratës, duhet të respektohen ligjet përkatëse për Shërbimet Private të Sigurisë.

Ju informojmë se duhet respektuar të gjitha ligjet e aplikueshme në Republikën e Kosovës

5. Pra përgjigja e AK në pyetjet e parashtruara nga OE ankues ka qenë se “*Duhet të respektohen të gjitha ligjet e aplikueshme në fuqi*”.

6. AK ka publikuar pyetjet dhe përgjigjet në platformën e prokurimit elektronik ka në lidhje me këtë aktivitet të prokurimit.

- Provë: Pyetja e parashtruar nga OE dhe përgjigjet nga AK datë 08.08.2025.

7. OE Internat Security Association, duke u bazuar në specifikat e dosjës së tenderit, kriteret e kërkuara nga AK në dosje të tenderit, si dhe duke u bazuar në Sqarimet shitesë – përgjigjet në pyetjet e AK, ka përpiluar ofertën financiare për të ofertuar në këtë aktivitet të prokurimit, duke respektuar kërkesat e dosjës së tenderit dhe dispozitat ligjore sipas rekomandimit të AK në sqarimin e dhënë në përgjigjet në pyetje të parashtruara nga OE ankues.

8. AK përmes njoftimit së datës 05.09.2025, ka shpërblyer me kontratë OE “KSF MAJOR SH.A.”, i cili ka ofertuar me një çmim prej 146,040.00 €, ndërsa OE Ankues e ka shpallur të pa suksesshëm me pretendimin se nuk ka qenë tenderi me çmimin më të ultë në mesin e tenderëve që plotësonin kërkesat e dhëna në njoftimin për kontratë dhe në dosje të tenderit.
9. OE Ankues, brenda afatit ligjor me datë 08.09.2025, në pajtim me Nenin 108/A par.1 nënpar. 3.2., ka paraqitur kërkesë për rishqyrtim ndaj Vendimit të AK, mirëpo e njëjta kërkesë është refuzuar si e pabazuar.
10. Edhe pse AK ka kërkuar respektimin e Vendimit të Qeverisë së Republikës së Kosovës për pagën minimale, si dhe ka kërkuar të respektohet Ligji i punës për pagesa ndaj punëtorëve, të cilat kriteret i ka theksuar edhe në sqarimin e pyetjeve të parashtruara. Poashtu edhe përkundër faktit se OE ankues në ofertë si dhe në Ankesën e parashtruar ndaj vendimit të AK ka bashkëngjitur edhe tabelen financiare – Analizën e cila tregon mënyren e kalkulimit të pagës sipas ligjit, dhe e cila vërteton se OE i shpallur fitues nuk i plotëson kriteret, AK nuk i ka marrë për bazë këto kriteret të cilat vet i ka caktuar, si dhe nuk i ka marrë për bazë dispozitat Ligjore të Ligjit të Punës dhe ligjeve tjera relevante si dhe akteve nënligjore të cilat janë obligative për secilin që të respektohen pa asnjë dyshim, në të kundërtën shkelja e ligjit konsiderohet vepër e cila ndiqet edhe penalisht.
 - Provë: Analiza financiare
11. Për shkak që do të theksojmë më poshtë këtë kërkesë për rishqyrtim, OE Ankues konsideron se, AK me rastin e marrjes së këtij vendimi për shpërblyer me kontratë dhe vendimit për refuzim të ankesës së OE Ankues ka bërë shkelje të:
 - 1.1. Neni 7 të LPP-së (*Barazia në Trajtim / Jo – diskriminimi*),
 - 1.2. Neni 53 të LPP-së (*Sigurimi i informatave shtese për kandidatët dhe tenderuesit*)
 - 1.3. Neni 59 par.3 dhe 4 të LPP-së (*Eksaminimi, Vlerësimi dhe Krahësimi i Tenderëve*),
 - 1.4. Neni 60 i LPP-së (*Kriteret për Dhënie e Kontratës*)
 - 1.5. Neni 61, par. 2 i LPP-së (*Tenderët Jo-Normalisht të Ulët*)
 - 1.6. Neni 41.5. pika (b) dhe Neni 41.8. pika (ii) të RRUOPP-së,
 - 1.7. E të gjitha këto shkelje të dispozitave të theksuara më lartë në mënyrë direkte janë të ndërlidhura dhe paraqesin shkelje të Neni 6 të LPP-së (*Ekonomiciteti dhe Efikasiteti*).
 - 1.8. Vendimin e Kryeministrit rreth Pagës Minimale në Republikën e Kosovës dhe
 - 1.9. Dispozitat Ligjore të Ligjit të Punës Ligji Nr. 03/L-212

II. Lidhur me shkeljet e dispozitave të LPP-së

10. AK me rastin e shpërblyer me kontratë të OE fitues, ka vepruar në kundërshtim me dispozitat e LPP-së, për shkak se OE fitues është dashur të shpallet i papërgjegjshëm sepse oferta e tij nuk ka qenë në përputhshmëri me të gjitha kërkesat e parashtruara në njoftimin për kontratë dhe dosjen të tenderit, e që në rastin konkret vendimi për të shpallur fitues një OE të papërgjegjshëm përmban shkelje të dispozitave të LPP-së dhe RRUOPP-së.

11. OE fitues “KSF Major SH.A.” është dashur që të shpallet si i papërgjegjshëm nga ana e AK-së, për shkak se:

- *Kalkulimi i pagës, nuk është bërë duke i'u përbajtur kërkesave të parashtruara në njoftimin për kontratë, dosjen e tenderit dhe sqarime të bëra nga AK;*
- *Poashtu çmimi i ofruar nga OE i shpallur fitues, është kundërshtim me Nenin 55, 56, 57, 58 dhe 59 të Ligjit të Punës Ligji Nr. 03/L-212, si dhe*
- *Vendimin e Qeverisë për pagën minimale në Republikën e Kosovës. Vendimi Nr. 02/218 Datë: 28.08.2024*

II.1. Lidhur me kalkulimin e pagës bruto në kundërshtim me njoftimin për kontratë, dosjen e tenderit dhe sqarimet e AK-së

12. OE fitues, nuk i është përbajtur kërkesave të parashtruara në njoftimin për kontratë, dosjen e tenderit dhe sqarimeve të dhëna nga AK, sa i përket kërkesës së kalkulimit të pagës bruto të punëtorëve për një muaj.

Bazuar në sqarimin të cilin e ka dhënë AK, në përgjigjet e pyetjeve për sqarim, ka kërkuar nga OE tenderues, që duhet të respektohen të gjitha ligjet e aplikueshme në Republikën e Kosovës si dhe Vendimin e Qeverisë së Republikës së Kosovës për nivelin e pagës minimale.

13. OE International Security Association, ju ka përbajtur në përpikëri kriterit të kërkuar nga AK dhe sqarimit të dhënë përmes përgjigjeve në pyetjen tonë.

Bazuar në këtë në kemi llogaritue çmimin e ofertës, duke i respektuar kërkesat në dosje të tenderit, sqarimin në përgjigje të AK dhe Dispozitat Ligjore, ku vet AK ka kërkuar që të respektohen dispozitat Ligjore të Ligjit të Punës dhe gjitha ligjet e aplikueshme në Republikën e Kosovës.

14. Edhe përkundër faktit se AK në përgjigjet në pyetje, ka kërkuar respektim të dispozitave ligjore, këtë kriter nuk e ka respektuar gjatë vlerësimit të ofertave, por ka rekomanduar për kontratë OE i cili ka ofruar çmimin më të cilin nuk mundet në asnjë mënyrë ti mbulojë kërkesat sipas ligjit, që sipas LPP-së duhe të konsiderohet si ofertë e papërgjegjshme.

Me ofertën e paraqitur nga OE fitues pa asnjë mëdyshje vërtetohet se oferta e tillë nuk është në përputhje me këtë kërkesë, sepse çmimi i ofertuar në raport me orët e punës të parashikuara në njoftimin për kontratë dhe dosjen e tenderit nuk është real dhe i kalkuluar në bazë të kërkesave të parashtruara nga AK.

13. Sikur OE fitues të kishte respektuar kërkesat në lidhje me pagën minimale bruto prej 350.00 € për një punëtor të sigurimit, sipas Vendimit të Qeverisë për pagën minimale në nivel vendi, si dhe sikur ti kishte marrur perbazë edhe kërkesat e Ligjit të Punës për llogaritjen e pagës dhe kërkesave tjera si orët e natës plus 30%, orët e vikendit dhe festave +50%, poashtu edhe llogaritjen e pagesës së pushimit vjetor, kriteret këto të cilat janë bazike dhe

obligative për secilin biznes, atëherë oferta e tij nuk do të ishte në asnjë rrethanë kaq e ultë sepse një gjë e tillë është tërësisht e pamundur nëse do të respektoheshin kërkesat e parashtruara sa i përket pagës bruto.

14. Për të vërtetuar deklaratën tonë, ne kemi bashkëngjitur në ofertë edhe tabelën për llogaritjen e çmimit, e cila e tregon saktë se sa mund të jetë çmimi minimal bazuar në kërkesat e tenderit të shpallura nga AK dhe kërkesat e Ligjit të Punës dhe vendimin e Qeverisë për pagën minimale.

- *Provë – tabela e llogaritjes së çmimit dhe pagës për punëtor.*

15. Me kete veprim, AK ka shkelur Ligjin e Prokurimit publik, respektivisht:

Neni 7 Barazia ne trajtim/Jo diskriminimi; për faktin se kërkesat dhe përgjigja e AK e dhënë në sqarimin shtesë na bazë të pyetjeve të parashtruara nga OE ankues, kanë qene kërkesa për respektimin e dispozitave ligjore të Ligjit të Punës, ndërsa vlerësimi i ofertave është bërë në kundërshtim me kërkesat e vet AK. Në këtë formë janë lajthitur OE sepse në njërin anë përmes kriterëve në dosje të tenderit dhe sqarimin në pyetjet e parashtruara është kërkuar respektimi i Ligjit të Punës, ndërsa në anën tjetër me rastin e vlerësimit të Ofertave, AK nuk i është përmbajtur asnjë kriteri, vetëm ka përcaktuar çmimin më të ulët, duke mos e analizuar se ky çmim a i plotëson kriteret e dosjës së tenderit dhe kërkesat e AK.

Neni 53 Sigurimi i informative shtese per kandidatet dhe tenderuesit. AK ka dhënë informata shtesë në përgjigjet e pyetjeve të parashtruara nga OE, por nuk ju ka përmbajtur këtyre përgjigjeve – kërkesave gjatë vlerësimit të ofertave të OE.

Neni 57 Sqarimi i tenderit; AK nuk ka marrë për bazë informatat të cilat i ka shpërndrë tek OE me rastin e përgjigjeve në pyetjet e parashtruara, por vlerësimin e tenderit e ka bërë në kundërshtim me përgjigjet e pyetjeve të cilat i ka dhënë. Më këtë nuk ka bërë krahasim të ofertave sipas procedurave dhe sipas ligjit.

Neni 59 Ekzaminimi, Vlerësimi dhe Krahasimi i Tenderëve: par 4 i LPP-së, sepse në mënyrë të kundërligjshme dhe në kundërshtim me këtë nen, ka shpallur fitues OE i cili nuk i plotëson kriteret sipas dosjës së tenderit. Si dhe ka shpallur të pasuskeshtëm OE INTERNAT SECURITY ASSOCIATION, edhe pse i plotëson kriteret sipas ligjit.

Nëse AK gjatë Ekzaminimit, Vlerësimit dhe Krahasimit të Tenderëve do ti përmbahej AK kriteretve të dosjës së tenderit si dhe dispozitave ligjore të Ligjit të Punës për kalkulimin e pagës duke u bazuar edhe në Vendimin e Qeverisë për pagën Minimale, atëherë atëherë do duhej që të shpallte të papërgjegjshme ofertat financiare të OE të cilët nuk i janë përmbajtur kriterëve sipas dosjës së tenderit dhe nuk i kanë respektuar Dispozitat ligjore të Ligjit të Punës.

Neni 60 Kriteret per dhenien e kontrates; edhe pse AK ka përcaktuar kriteret të kontratës respektimin e të gjitha ligjet e aplikueshme në Republikën e Kosovës, përfshirë edhe Ligjin e punës për pagën minimale dhe kërkesat e dala nga ligji, vet AK, nuk e ka respektuar këtë kriter,

por ka rekomanduar për dhenie të kontrates OE, i cili nuk i plotëson as për se afërmi këto kritere.

Neni 61 Tenderte Jo-Normalisht të Ulët: AK nuk e ka vlerësuar ofertën financiare të OE të shpallur fitues në frymën e Neni 61, ku bazuar në këtë Nen, OE i shpallur fitues, nuk i plotëson kriteret sipas dosjes së tenderit dhe dispozitave ligjore, prandaj AK është dashtë që OE e shpallur fitues ta eliminoj mbi bazën e këtij Neni, si dhe ofertat tojera të cilat me ofertën financiare nuk i plotësojnë kriteret dhe nuk i respektojnë dispozitat ligjore të Ligjit të punës.

15. Andaj AK me rastin e shpërblimit me kontratë të OE fitues, ka vepruar në kundërshtim me dispozitat e LPP-së, për shkak se OE fitues është dashur të shpallet i përgjegjshëm në kuptim të Neni 59 par.4 të LPP-së lidhur me Nenin 41.4, pika (b) të RRUOPP-së, sepse oferta e tij nuk ka qenë në përputhshmëri me të gjitha kërkesat e parashtruara në njoftimin për kontratë dhe dosjen të tenderit.

Neni 59 par.4 i LPP-së thotë: *Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit.*

Neni 41.4, pika (b) e RRUOPP-së thotë: *Tenderi konsiderohet të jetë i përgjegjshëm kur është në pajtueshmëri me termet teknike me përshkrimin, kërkesat dhe specifikimet e përcaktuara në dosje të tenderit.*

II.2. Lidhur me shkeljet e dispozitave ligjore të Ligjit të Punës dhe Vendimit të Qeverisë së Kosovës për pagën minimale në nivel vendi

16. Po ashtu, AK me rastin e shpalljes fitues të OE “KSF Major Security S.H.A.”, ka nuk ka marrur për bazë Ligjin e Punës në Republikën e Kosovës, i cili është obligativ për të gjitha bizneset dhe duhet të respektohet në përpikëri:

Neni 57. Paga Minimale, par 1 dhe 2 . i Ligjit të Punës thotë:

1. *Për punën më të gjatë se orari i plotë i punës, si dhe për punë në ditët e festave shtetërore dhe për punën e natës, i punësuarit ka të drejtë në pagë shtesë, në pajtim me këtë ligj, Kontratën Kolektive dhe Kontratën e Punës.*
2. *Të punësuarit i takon paga shtesë në përqindje të pagës bazë, si më poshtë:*
 - 2.1. 20 % në orë për kujdestari;
 - 2.2. 30 % në orë për punë gjatë natës;
 - 2.3. 30 % në orë për punë jashtë orarit;
 - 2.4. 50 % në orë për punë gjatë ditëve të festave; dhe
 - 2.5. 50 % përqind në orë për punë gjatë fundjavës.
3. *Paga minimale përcaktohet në bazë të orëve të punës, për përdhën një (1) vjeçare, e cila publikohet në Gazetën Zyrtare të Republikës së Kosovës.*

I tërheqim vëmendjen OSHP-së se, AK me rastin e vlerësimit të ofertave të OE të cilët kanë konkuruar në këtë proces të prokurimit, ku ka marrë vendim për shpërblim me kontratë OE fitues me çmimin më të ulët, pas asnjë kriter dhe pa asnjë bazë ligjore.

Në të njëjtën kohë ka marrë vendim ta shpallë të pasusesshëm e OE Internat Security Association, me arsyetimin se çmimi i ofruar nuk është çmimi më i lirë, duke mos e marrur për bazë se oferta jonë është në përputhje me Kërkesat sipas Dosjes së tenderit, Sqarimin e dhënë nga AK në përgjigjet e pyetjeve; në përputhje me dispozitat ligjore të Ligjit të Punës si dhe Vendimit të Qeverisë së Kosovës për pagën minimale.

Poashtu e ka hedhur poshtë Kërkesën për Rishqyrtim, të cilën OE Internat Security Association e ka parashtruar prane AK, duke u bazuar në fakte dhe prova të bazuara dhe të besueshme.

AK ka bërë shkelje për shkak se OE fitues dhe OE ankues nuk janë trajtuar në mënyrë të barabartë. AK është dashur të eliminoj OE të cilët me ofertat e tyre financiare nuk i plotësojnë kërkesët të cilat i kemi thekuar më lartë, konform dopsjes së tenderit dhe dispozitave ligjore.

Duke marrë parasysh të gjitha këto fakte të argumentuara më lartë në këtë ankesë, konsiderojmë se, AK ka marrur vendim të kundërligjshëm për shkak se:

- *AK ka bërë trajtimin diskriminues dhe të pabarabartë të operatorëve ekonomik;*
- *AK ka shpërblyer me kontratë një OE të papërgjegjshëm, sepse oferta e tij nuk ka qenë në përputhshmëri me kërkesat e përcaktuar në njoftimin për kontratë dhe dosjen e tenderit sa i përket kalkulimit të pagës bruto prej 350.00 € për një punëtor dhe kërkesave tjera të dala nga ligji;*

Andaj mbi bazën e këtyre fakteve, i propozojmë Organit Shqyrtues të Prokurimit që pas analizimit të kësaj ankese të marrë këtë:

VENDIM

- I. **APROVOHET** në tërësi si e **BAZUAR** ankesa e operatorit ekonomik “**INTERNAT SECURITY ASSOCIATION Sh.P.K.**”
- II. **Anulohet** njoftimi për dhënie të kontratës i datës 09.09.2025 dhe lënda kthehet në rivlerësim.

- III. Obligohet AK AQP, që gjatë rivlerësimit të ofertave të OE, ti përmbahet në përpikëri kërkesave të përcaktuara në dosje të tenderit mbi nivelin e pagës minimale prej 350.00 euro bruto, kritere këto të përcaktuara në dosje të tenderit, si dhe kërkesës për respektimin e Ligjit të Punës, e precizuar përgjigjet e AK ndaj pyetjeve të parashtrura nga OE Ankes.**

KRITERET PËR VLERËSIM

Aneksi 1. SPECIFIKIMET TEKNIKE TË DETYRUESHME Sigurimi fizik i objekteve të APRK-së

RAPORTI I KOMISIONI VLERËSUES

LISTA E PLOTË STANDARDE PËR GJENDJEN EKONOMIKE & FINANCIARE

N/A

LISTA E PLOTË STANDARDE PËR PËRSHTATSHMËRINË E AFTËSIVE PROFESIONALE TË TENDERËVE

Dokumenti	"Internat Security Association"SH.P.K.	CPS Phoenix Group L.L.C.	KSF MAJOR SH.A.	JAGUAR SECURITY SH.P.K.	Delta Security SH.P.K.
	Në pajtim / Nuk është në pajtim	Në pajtim / Nuk është në pajtim	Në pajtim / Nuk është në pajtim	Në pajtim / Nuk është në pajtim	Në pajtim / Nuk është në pajtim
Kërkesa 1. Operatori ekonomik duhet të ofrojë dëshmi se ka përfunduar me sukses shërbime të ngjashme gjatë tri viteve të shkuara deri në publikimin e këtij njoftimi për kontratë.	Në pajtim	Në pajtim	Në pajtim	Në pajtim	Në pajtim

Dokumenti	BESA SECURITY SH.P.K.
	Në pajtim / Nuk është në pajtim
Kërkesa 1. Operatori ekonomik duhet të ofrojë dëshmi se ka përfunduar me sukses shërbime të ngjashme gjatë tri viteve të shkuara deri në publikimin e këtij njoftimi për kontratë.	Në pajtim

Ekzaminimi, vlerësimi dhe krahasimi i tenderëve lidhur me aftësinë teknike dhe / ose profesionale:

Të gjithë Operatorët Ekonomik me ofertat e tyre kanë plotësuar kërkesën lidhur me aftësinë teknike dhe / ose profesionale

DEKLARATË

Komisioni i vlerësimit pas ekzaminimit dhe vlerësimit të ofertave ka konstatuar se në aktivitetin e prokurimit Shërbimet e sigurimit fizik të objekteve të APRK-ës kanë ofertuar gjithsejtë gjashtë (6) operatorë ekonomik.

Ofertat e të gjithë OE kanë plotësuar të gjitha kërkesat në dosje të tenderit dhe janë vlerësuar si OE të përgjegjshme.

Duke u bazuar në të dhënat e lartcekura dhe në kriterin e dhënies së kontratës çmimi më i lire i ofertës së përgjegjshme dhe sipas ligjit të prokurimit publik, OE **"KSF MAJOR SH.A., 810971433** rekomandohet për shpërbllim me kontratë me vlerë të ofertës **146,040.00 €**.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

VLERËSIMI SIPAS NENIT 4.1.26 TË LPP

N/A

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - **"Internat Security Association"SH.P.K.**

Përgjigjeje në pretendime

Eksperti shqyrtues jep mendimin e tij në lidhje me pretendimin ankimor, pasi ka administruar dhe shqyrtuar me kujdes shkresat që lidhen me faktet dhe argumentet në platformën elektronike e – prokurimi, eksperti shqyrtues pas vlerësimit dhe administrimit të provave sipas ankesës së dorëzuar sqaron.

Me qëllim të pasqyrimin të plotë të gjendjes faktike, eksperti shqyrtues ka administruar si prova raportin e komisionit të vlerësimit të ofertave, njoftimin mbi vendimin e autoritetit Kontraktues - (AK) së bashku me Letrat Standarde për Tenderuesit e Pasuksesshëm si dhe materialin i cili gjendet në platformë, parashtrësas dhe dokumentet e operatorit ekonomik ankues dhe operatorit ekonomik fitues, shkresat dhe dokumentet e Autoritetit Kontraktues, dokumentet tjera relevante lidhur me aktivitetin e prokurimit si dhe të gjitha provat që janë propozuar nga palët procedurale.

Andaj, eksperti shqyrtues pas administrimit dhe vlerësimit të provave dhe pasqyrimin të plotë të gjendjes faktike, duke u mbështetur në LPP si ligj material të zbatueshëm, pas shqyrtimit të pretendimeve ankimore, duke marrë parasysh të gjitha shkresat e lëndës, ka gjetur se ankesa e Operatorit Ekonomik ankues duhet të hedhet si e pa lejuar. Rrjedhimisht eksperti shqyrtues ka

ven re që ankesa e OE të hedhet si e pa lejuar sepse i njëjti pas administrimit të shkresave të lendes ka vlerësuar se OE ankues të konsiderohet si palë pa interes juridik material, konform nenit 4.1.26, të LPP-së, për faktin se, oferta e tij renditet e gjashta (6) apo e fundit për nga çmimi si OE i përgjegjshëm (pasuksesshëm) sipas Njoftimit mbi Vendimin e AK-së.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i rekomandon panelit shqyrtues që ankesa e OE ankues të hedhet poshtë si e palejuar.

Raporti i ekspertit shqyrtues, lidhur me ankesën e parashtruar nga OE **"Internat Security Association"SH.P.K.**, lidhur me aktivitetin e prokurimit **"Shërbimet e sigurimit fizik të objekteve të APRK-ës"** me numër të prokurimit: **"UA/2016-25-6709-2-1-1**, të iniciuar nga Autoriteti Kontraktues (AK) – **Agjencia Qendrore e Prokurimit**

Raporti i ekspertizës ti dorëzohet:

- Autoritetit Kontraktues – **Agjencia Qendrore e Prokurimit**
- Panelit Shqyrtues – **OSHP**
- OE ankues – **"Internat Security Association"SH.P.K.**

Shkelzen Hoxha

